

Клуб кӧдлджӧхш

Ўвл—олн-ӧмтн дунд ку-
льтурн кӧдлмш делгрӱлх
цаг. Кино, лекц, художест-
вени самодеятельность, нань
чигн культурн кӧдлмш ўв-
лин цагт улм кӱч-авч дел-
грх зӧвтӧ.

Цуг эн кӧдлмш кегддг
ормнь—совхозин болн фер-
мин клуб.

„Ленинский“ совхозд цент-
ральн усадьб деернь кезӧнӧ
кесн ик у модн гер бӧӧнӧ.
Эн клуб.

Зунагъа эн клубд капи-
тальн ясвр кегдсми. Эн-
унӧ ясврт арви тавн минъ-
гън арслнь гаргъгддж.

Ирсн улс кино, концерт
хӧлӧдг хораг икдӱлӧд, зун
тӧвн кӱн багтмар кедж.

Болв, эклси ясврнь ода
бийнь чилӧд уга. Клубиг
дуладулх гурви беш бӧӧнӧ,
болв эн гурви бешнь беш
болхасн гарч. Кӱн суудг
скамейкс уга, клуб дотр
библиотека, дегтр тӧвдг сте-
ллажмуд дуту болад библио-
текин дегтрмӱдии ӧрӧлнь
пол деер кевтӧнӧ.

Клубин гериг даруд ясдж
авч, кӧдлмшинь эклдж кел-
гӱлх кергтӧ.

ДЖАМБИН Я.